

demiam. Venit igitur ad nos, Boehmio rectore, a quo est in civium nostrorum numero scriptus. Hic magistris usus est in Philosophia Platnero, in Mathesi Bortzio, in excolenda, veterum auctorum lectione, latinitate Clodio, Hebenstreitio, Zeunio; in Physica Funccio et Ludwigio. Cum se autem Medicinae imprimis dedisset, Decano eius Ordinis, Plazio, imprimis adhaesit, de cuius amore atque benevolentia vehementer laetatur. Fuit vero etiam inter auditores Pohlii, Bosii, Gehleri, Krausii, Haasii, Platneri, Pohlii iunioris, Leonhardi et Leskii, cum illi varias medicae artis disciplinas traderent, aut discipulos quaestionibus propositis tentando erudirent. Ineunte mense Nouembri, anni proxime praeteriti, primum diligentiae praemium, Medicinae Baccalaureatum: his ipsis diebus alterum, ab incluto Philosophorum Ordine tulit, qui rite tentatum, Philosophiae et Artium Magistrum, diplomate publice proposito, declaravit.

JACOBVS FRIDERICVS KEES

LIPSIENSIS

Juris utr. Baccalaureus, Aduocatus inmatricul. et Notar.
publicus Caesareus.

In hac urbe natus anno MDCCL. patrem colit Jacobum Fridericum, virum singulari et eximia virtute inclytum, Sereniss. Elect. Saxon. in administrandis aerarii e Capitulis Numburgensi atque Cizensi reeditibus a consiliis; matrem Joannam Christianam, Godofredi Graevii, J. V. D. et Senatoris olim Lipsiensis, filiam, matronam omnibus sui sexus decoris ornatissimam. Hos sibi parentes optimos Dei O. M. beneficio contigisse, esseque saluos adhuc atque incolumes, summopere laetatur; in hoc elaboraturus, ut, quem a puero summis beneficiis complexi essent, filius, pietate et obsequio, virtute atque doctrina, respondeat. Prima discendi initia fecit magistro Hechtio; mox graecis latinisque litteris discendis, Leisnero, Moro, tandem et Ernestio usus est. Anno MDCCLXVIII. Academiae cuius scriptus, rectore Boehmio, philosophiam omnem in scholis Winkleri arripuit; doctrinam morum, Logicam, et disputandi artem, Morus; Bortzius et Riedelius mathesin docuerunt. Clodium, Horatii

ratii